

შ.პ.ს. „მთის კურორტების განვითარების კომპანია“



ჯანმრთელობის დაზღვევის სახელმწიფო შესყიდვის შესახებ
გამარტივებული ელექტრონული ტენდერის

სატენდერო დოკუმენტაცია

CPV - 66512200

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია.....	4
3. დანართი N 1 (ფასების ცხრილი)	9
4. დანართი N 2 (ტექნიკური დავალება ერთი ადამიანის დაზღვევაზე ხელშეკრულების მოქმედების პერიოდში)	10
4. დანართი N 3 (რეკვიზიტები)	11
5. დანართი N 4 (აფიდავიტის საილუსტაციო ფორმა)	12
6. სახელმწიფო შესყიდვის შესახებ ხელშეკრულების პროექტი	13

1. ინსტრუქცია ტენდერში მონაწილეთათვის

- 1.1** სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.2** ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3** დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4** სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).
- 1.5** სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.
- 1.6** სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7** პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1 შესყიდვის ობიექტი:

შ.პ.ს. „მთის კურორტების განვითარების კომპანიის“ შესყიდვის ობიექტს წარმოადგენს ჯანმრთელობის დაზღვევის მომსახურება.

2.2 სატენდერო წინადადების ფასი:

2.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, გარდა დაზღვეულის საშემოსავლო გადასახადისა, რომელსაც აანაზღაურებს შემსყიდველი.

2.2.2 ობიექტის თავისებურებიდან გამომდინარე სადაზღვევო პაკეტი არის ინდივიდუალური და აერთიანებს შემსყიდველი ორგანიზაციისთვის ხელსაყრელ პირობებს, ხოლო ანალოგიური დაზღვევის პირობებით, დაზღვეულთა რაოდენობითა და სადაზღვევო პერიოდით, შესაძლო პრეტენდენტებს ნაკლებსავარაუდოა, რომ ჰქონდეთ გაფორმებული ხელშეკრულებები. მიუხედავად ამისა, საქართველოს ბაზარზე ოპერირებად არაერთ კომპანიას შეუძლია შემსყიდველს კონკურენტუნარიან ფასში შეთავაზოს სატენდერო დოკუმენტაციით განსაზღვრული სადაზღვევო მომსახურება. აღნიშნული მომსახურების ღირებულების დადგენა კერძო კომპანიის პრეროგატივაა და ყოველ კონკრეტულ შემთხვევაში შესაძლებელია იყოს განსხვავებული. ამასთან, გასათვალისწინებელია, რომ სადაზღვევო საქმიანობა ექვემდებარება სახელმწიფო ლიცენზირებასა და ზედამხედველობას, შესაბამისად, კონკურენციის გაზრდისა და ხელსაყრელი ფასის მიღების მიზნით ფასწარმოქმნის ადეკვატურობის დამადასტურებელი დოკუმენტაცია პრეტენდენტს არ მოეთხოვება.

2.2.3 ყველაზე დაბალი ფასის წინადადების მქონე პრეტენდენტის მიერ წარმოდგენილ საბოლოო ფასსა და შესყიდვის ობიექტის სავარაუდო ღირებულებას შორის სხვაობა სატენდერო კომისიის მიერ გამოანგარიშდება პროცენტულად, რომლის მიხედვითაც დაევალება პრეტენდენტს (საჭიროების შემთხვევაში) წარმოადგინოს კორექტირებული დანართი №1 (ფასების ცხრილი) და დანართი №2 პროცენტული მაჩვენებლის პროპორციულად თითოეული სადაზღვევო პაკეტისთვის.

2.2.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.3 ანგარიშსწორების პირობები:

2.3.1 ანგარიშსწორება მოხდება უნაღდო ანგარიშსწორებით ლარში.

2.3.2 ანგარიშსწორება მოხდება თვეში ერთხელ საანგარიშო პერიოდის ყოველი მომდევნო თვის 10 რიცხვამდე ინვოისისა და მიღება-ჩაბარების აქტის საფუძველზე.

2.3.3 შემსყიდველის მიერ თანხის ანაზღაურება განხორციელდება შ.პ.ს. „მთის კურორტების განვითარების კომპანიაში“ ფაქტიურად დაზღვეული თანამშრომლების რაოდენობისა და სადაზღვევო პერიოდის შესაბამისად.

2.3.4 წინასწარი ანგარიშსწორება არ გამოიყენება.

2.4 შესყიდვის ობიექტის ტექნიკური პირობები:

2.4.1 შ.პ.ს. „მთის კურორტების განვითარების კომპანიაში“ დაახლოებით 120 თანამშრომლის ჯანმრთელობის დაზღვევა, 2017 წლის 9 იანვრიდან 2017 წლის 31 დეკემბრის ჩათვლით. თანამშრომელთა ზუსტი ოდენობა დაზუსტდება ხელშეკრულების გაფორმების დროს. შესაძლებელია ცვლილება +/- 10 თანამშრომელი. აღნიშნული კონტიგენტიდან 116 დაზღვეულის სადაზღვევო პაკეტის ღირებულებას აანაზღაურებს შემსყიდველი, ხოლო 4 დაზღვეული საკუთარი სახსრებით.

2.4.2 ზემოაღნიშნული დასაზღვევი თანამშრომლებიდან 14 (+/- 4) პიროვნება კომპანიაში დასაქმებულია სეზონურად. გამომდინარე ზემოაღნიშნულიდან, შემსყიდველის შესაბამისი მიმართვის საფუძველზე მიმწოდებელი ვალდებულია შეაჩეროს შესაბამისი სადაზღვევო პოლისის მოქმედება აღნიშნულ პიროვნებასთან შრომითი ხელშეკრულების შეწყვეტიდან ხელახლა გაფორმებამდე.

2.4.3 დასაზღვევი თანამშრომლების ზუსტი ოდენობა განისაზღვრება ხელშეკრულების გაფორმების დროს.

2.4.4 შრომითი ხელშეკრულების შეწყვეტის ან/და ახალი თანამშრომელის მიღების შემთხვევაში ნაკლები თვის სადაზღვევო პაკეტის ასანაზღაურებელი ღირებულება განისაზღვრება სრულად. აღნიშნული ფაქტების შესახებ შემსყიდველი წერილობით აცნობებს მიმწოდებელს (წერილობით შეტყობინებად ასევე ჩაითვლება შემსყიდველის მიერ გაგზავნილი ელექტრონული ფოსტა წინასწარ შეთანხმებულ მისამართზე).

- 2.4.5 მომსახურების გაწევის ვადა აითვლება 2017 წლის 9 იანვრიდან (დაზუსტდება ხელშეკრულების გაფორმების დროს) 2017 წლის 31 დეკემბრის ჩათვლით.
- 2.4.6 **შემსყიდველის მიერ შესასყიდ ობიექტს წარმოადგენს დანართი №2-თ განსაზღვრული სადაზღვევო პაკეტი №1 (ყოველთვიური სადაზღვევო პრემია ერთი დაზღვეულისათვის არაუმეტეს 45 ლარისა).**
- 2.4.7 პრეტენდენტი ვალდებულია წარმოადგინოს, როგორც მიმწოდებლის მიერ შესასყიდი ასევე განსხვავებული სადაზღვევო პაკეტები (დანართი №2-ს შესაბამისად) რომელთა პირობები არ უნდა იყოს შემსყიდველის მოთხოვნაზე ნაკლები, ხოლო სადაზღვევო პრემია მითითებულზე მეტი.
- 2.4.8 იმ შემთხვევაში თუ თანამშრომელი თავისი სურვილის მიხედვით დააზღვევს ოჯახის წევრსაც ან/და მისთვის სასურველი აღმოჩნდება უფრო ძვირადღირებული სადაზღვევო პაკეტი, კომპანიის მიერ შეძენილ სადაზღვევო პაკეტსა და თანამშრომლის მიერ არჩეულ პაკეტს შორის სხვაობას დაფარავს დაზღვეული.
- 2.4.9 პრეტენდენტს ვალდებულია გააჩნდეს ოჯახის ექიმის მიმართვის აღებისთვის საჭირო ონლაინ განაცხადების სისტემა. აღნიშნული ელექტრონული განაცხადის გზით, დაზღვეულს შეეძლება განაცხადის გაკეთებიდან 24 საათში, შესაბამის სამედიცინო დაწესებულებაში, მიიღოს ელექტრონული მიმართვა.
- 2.4.10 პრეტენდენტს ქ. თბილისში უნდა გააჩნდეს არანაკლებ 30 პროვაიდერი სტაციონარულ-ამბულატორიული დაწესებულება (გარდა სტომატოლოგიური პროფილის კლინიკებისა) და 10 ოჯახის ექიმი, ხოლო რეგიონებში არანაკლებ 30 პროვაიდერი სტაციონარულ-ამბულატორიული დაწესებულება (გარდა სტომატოლოგიური პროფილის კლინიკებისა) და 15 ოჯახის ექიმი.
- 2.4.11 პრეტენდენტს ქ. თბილისში უნდა გააჩნდეს არანაკლებ 25 სტომატოლოგიური პროფილის პროვაიდერი კლინიკა, ხოლო რეგიონებში არანაკლებ 20.
- 2.4.12 პრეტენდენტს უნდა გააჩნდეს ჯანმრთელობის დაზღვევის არანაკლებ 3 წლიანი გამოცდილება (2014-2016 წ.წ.).
- 2.4.13 სატენდერო განცხადების სავარაუდო ღირებულება დათვლილია მაქსიმუმ 130 ადამიანზე, 2.4.1 პუნქტში განსაზღვრული პერიოდისა და თანამშრომლების ოდენობის მიხედვით, შესაბამისად 2017 წლის 31 დეკემბრის ჩათვლით გასაწევი მომსახურების ღირებულება შეადგენს **70200.00 (სამოცდაათი ათას ორასი ლარი და ნული თეთრი) ლარს.** (დაზუსტდება ხელშეკრულების გაფორმების დროს)
- 2.4.14 ტექნიკურ დავალებაში მოცემული მომსახურება გაწეულ უნდა იქნას საქართველოში მოქმედ ლიცენზირებულ სამედიცინო დაწესებულებებში დაზღვეულის სურვილისამებრ.
- 2.4.15 დაზღვეულის საკუთარი შეხედულებისამებრ, საქართველოს ნებისმიერ ლიცენზირებულ სამედიცინო დაწესებულებაში მიღებული მომსახურებისათვის გადახდილი საფასურის ასანაზღაურებლად დაზღვეული მზღვეველს მიმართავს თანხის გადახდიდან 30 კალენდარული დღის განმავლობაში, ანაზღაურება უნდა განხორციელდეს სრულყოფილი დოკუმენტაციის წარდგენიდან არაუგვიანეს 7 სამუშაო დღის განმავლობაში (500 ლარამდე თანხის შემთხვევაში ნაღდი, ხოლო 500 ლარი და მეტის შემთხვევაში უნაღდო ანგარიშსწორებით დაზღვეულის საბანკო რეკვიზიტებზე).
- 2.4.16 მზღვეველის მიერ სადაზღვევო ანაზღაურებაზე უარის თქმის შემთხვევაში დაზღვეულს წერილობით უნდა განემართოს უარის თქმის მიზეზი, რომელიც არ უნდა აღმატებოდეს 3 სამუშაო დღეს.
- 2.4.17 ტენდერში დაფიქსირებული სადაზღვევო პაკეტის ღირებულება არ ექვემდებარება გადახედვას ხელშეკრულების მოქმედების პერიოდში.
- 2.4.18 ხელშეკრულების გაფორმებიდან 2 თვის განმავლობაში, ინდივიდუალური სადაზღვევო მომსახურების გამოუყენებლობის შემთხვევაში, დაზღვეული პირი უფლებამოსილია თავისი სურვილისამებრ შეცვალოს სადაზღვევო პაკეტი (აირჩიოს გაუმჯობესებული ან საოჯახო დაზღვევა). აღნიშნული პერიოდის გასვლის შემდეგ ცვლილებები დაუშვებელია.

2.5 **ჯანმრთელობის დაზღვევა ითვალისწინებს შემდეგი სახის მომსახურებას:**

2.5.1 **ასისტანსი მომსახურება**

ითვალისწინებს სამედიცინო მომსახურების სატელეფონო ორგანიზებას; ოჯახის ექიმთან ვიზიტის დანიშვნას; კონტრაქტორი კლინიკებისა და მედიკამენტების შესახებ ინფორმაციის მიწოდებას; საჭიროების შემთხვევაში ახდენს სასწრაფო სამედიცინო სამსახურის ბრიგადის გამოძახებას; ორგანიზებას უწევს სანავსადგომო მომსახურებას საჭიროების შემთხვევაში; საზღვარგარეთ წამსვლელთათვის ქვეყნების მიხედვით სავალდებულო ვაქცინაციისა და საქართველოში მსგავსი საჭიროების მომსახურების მიღების გზების ინფორმაციის მიწოდებას.

2.5.2 **ოჯახის ექიმის მომსახურება**

ითვალისწინებს უფასო კონსულტაციებს მთელი წლის მანძილზე; ამბულატორიული, მედიკამენტური და ჰოსპიტალური მიმართვების გაცემას; დაზღვეულის ჯანმრთელობაზე სრული მონიტორინგის გაწევას; ავადობის ცნობის მიღების პროცესში დახმარებას;

2.5.3 ბინაზე მოვლის სერვისები

ითვალისწინებს ექთნის მომსახურება ბინაზე ორი (2) კვირის მანძილზე პოსტ-ჰოსპიტალიზაციურ პერიოდში; ლაბორატორიული გამოკვლევების პაკეტს ბინაზე; პედიატრის მომსახურებას ბინაზე (ბავშვების შემთხვევაში); თერაპევტის მომსახურებას ბინაზე (მოზარდების შემთხვევაში).

ბინაზე მოვლის სერვისის ორგანიზება უნდა განხორციელდეს მოთხოვნიდან პირველივე სამუშაო 24 საათის განმავლობაში.

2.5.4 ჰოსპიტალიზაცია (გადაუდებელი)

ითვალისწინებს დაზღვეულის ჯანმრთელობის მდგომარეობის გაუარესებასთან დაკავშირებული იმ დაუყოვნებლივი სამედიცინო ღონისძიებების ერთობლიობას, რომლის გადავადების პირობებში გარდაუვალია დაზღვეულის გარდაცვალება, ქმედობაუნარიანობის შეზღუდვა ან ჯანმრთელობის მდგომარეობის მნიშვნელოვანი გაუარესება (დაზღვეულის დაყოვნება სამედიცინო დაწესებულებაში ხდება 24 სთ ან მეტი დროით).

2.5.5 ჰოსპიტალიზაცია (გეგმიური)

ითვალისწინებს ქირურგიული მკურნალობას; კონსერვატიულ მკურნალობას; მოვლასა და პატრონაჟს; სამედიცინო მანიპულაციებს; სტაციონარში დანიშნული მედიკამენტების ხარჯებს; სტაციონარში ჩატარებული გამოკვლევების ხარჯებს; საწოლი პალატის, კვების ხარჯებს; მოწვეული ექიმის ხარჯებს. (დაზღვეულის დაყოვნება სამედიცინო დაწესებულებაში ხდება 24 სთ ან მეტი დროით).

2.5.6 ორსულობა

ითვალისწინებს ორსულობის მონიტორინგს და მასთან დაკავშირებულ კვლევებს, მედიკამენტებს, გენეტიკურ ტრიპლ ტესტს, ვიტამინებს; ორსულობასთან დაკავშირებული მედიკამენტები ანაზღაურდება ხდება ორსულობის ლიმიტიდან ორსულობის პროცენტული დაფარვის შესაბამისად.

2.5.7 მშობიარობა

ითვალისწინებს ფიზიოლოგიურ ან გართულებულ მშობიარობასთან (სამედიცინო ჩვენებით საკეისრო კვეთის ჩათვლით) დაკავშირებული ხარჯების ანაზღაურებას (მათ შორის გაუტკივარების ხარჯების დაფინანსებას, სტანდარტული და არა-სტანდარტული პალატის ხარჯების დაფინანსებას, კვების და სამშობიარო სახლში სხვა მოვლის ხარჯების დაფინანსებას).

2.5.8 გეგმიური ამბულატორია

ითვალისწინებს დაზღვეულის ჯანმრთელობის მდგომარეობის გაუარესებასთან დაკავშირებულ იმ სამკურნალო/დიაგნოსტიკურ ღონისძიებების ერთობლიობას, რომელიც დაზღვეულს გაეწევა ლიცენზირებულ სამედიცინო დაწესებულებაში, სადაც დაზღვეულის დაყოვნება არ აღემატება 24 სთ-ზე მეტ ხანს.

2.5.9 გადაუდებელი ამბულატორია

ითვალისწინებს სადაზღვეო პერიოდის განმავლობაში დაზღვეულის ჯანმრთელობის მდგომარეობის გაუარესებასთან დაკავშირებულ იმ ამბულატორიული ღონისძიებების ერთობლიობას, რომლის გადავადების პირობებში გარდაუვალია დაზღვეულის ჯანმრთელობის მდგომარეობის მნიშვნელოვანი გაუარესება, დაინვალიდება და/ან სიკვდილი.

2.5.10 პროფილაქტიკური კვლევა

ითვალისწინებს სამედიცინო ჩვენების გარეშე, ასისტანსის პირადი ექიმის მიმართვის საფუძველზე, შემდეგ სამედიცინო კვლევების ჩატარებას:

- ნებისმიერი სპეციალისტის კონსულტაცია
- სისხლის საერთო ანალიზი;
- გლუკოზის განსაზღვრა სისხლში;
- შარდის საერთო ანალიზი;
- კარდიოგრაფია;
- პროთრომბინის სკრინინგული ტესტი;
- ერთი სისტემის ექოსკოპია;

2.5.11 სასწრაფო სამედიცინო მომსახურება

ითვალისწინებს სასწრაფო სამედიცინო დახმარების ბრიგადის მიერ სასწრაფო სამედიცინო დახმარების აღმოჩენას და ჩვენების შესაბამისად სამედიცინო დაწესებულებამდე ტრანსპორტირებას.

2.5.12 მედიკამენტები

ითვალისწინებს დაზღვეულისთვის ასისტანსის ოჯახის ექიმის და/ან შესაბამისი სერტიფიკატის მქონე ექიმ-სპეციალისტის მიერ სამედიცინო ჩვენებით, მკურნალობის ჩატარების მიზნით დანიშნული მედიკამენტების ხარჯების ანაზღაურებას.

2.5.13 სტომატოლოგია

- გადაუდებელი სტომატოლოგიური მომსახურება ითვალისწინებს კბილის მწვავე ტკივილის გაყუჩებას, რენტგენს, არხის გახსნას და კბილის ექსტრაქციას ნებისმიერ შესაბამისი სამედიცინო მომსახურების გაწევის უფლების მქონე სტომატოლოგიურ დაწესებულებაში.
- გეგმიური სტომატოლოგიური მომსახურება ითვალისწინებს კბილის სრულ თერაპიას; არხების მკურნალობას; გეგმიურ ქირურგიას; პაროდონტოლოგიას; კბილების გაწმენდას.
მოსარგებლეს აღნიშნული მომსახურების მიღება შეუძლია მხოლოდ მზღვეველის მიერ მითითებულ პროვაიდერ სტომატოლოგიურ დაწესებულებებში.

2.5.14 სამოგზაურო დაზღვევა

- ითვალისწინებს მივლინების შემთხვევაში დაზღვეულის საზღვარგარეთ სამოგზაურო დაზღვევის პოლისით უზრუნველყოფას.
- სამოგზაურო დაზღვევა გავრცელდება მხოლოდ თანამშრომლებზე.
- სამოგზაურო დაზღვევის პირობები გაწერილი იქნება სამოგზაურო დაზღვევის პოლისში.

2.6 ჯანმრთელობის დაზღვევის გამონაკლისები, რომელიც არ ექვემდებარება ანაზღაურებას

- ქრონიკული და ვირუსული ჰეპატიტ(ებ)ი („A” ტიპის და ურგენტული შემთხვევების გარდა);
- თირკმლის ქრონიკული უკმარისობა (ურგენტული შემთხვევების გარდა);
- დიაბეტი (ამბულატორიული მონიტორინგისა და ურგენტული შემთხვევების გარდა);
- თანდაყოლილი (თიაქარის, კრიპტორხიზმის, დერმოიდული კისტის, ფიმოზის, დაკრიოციტიტის, ასტიგმატიზმისა და ჰემანგიომას გარდა) და გენეტიკური დაავადებები;
- სქესობრივი გზით გადამდები (ვენერიული) დაავადებები (ათაშანგი, გონოკოკური ინფექცია, ქლამიდიური ლიმფოგრანულომა, შანკროიდი (რბილი შანკრი), საზარდულის ლიმფოგრანულომა (დონოვანოზი)), შიდის; (არ ფინანსდება მხოლოდ ჩამოთვლილი დაავადებების მკურნალობა)
- ფსიქიური დაავადებები, უნაყოფობა და იმპოტენცია;
- სიმსუქნე, ჭარბი წონა;
- ალკოჰოლიზმი, ნარკომანია და ტოქსიკომანია.
- თავის განზრახ საფრთხეში ჩაგდება, თვითმკურნალობა;
- ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ დაზღვეულის მიერ სატრანსპორტო საშუალების მართვა;
- ომი, საომარი მდგომარეობა, სამოქალაქო არეულობა ან კრიმინალური ქმედება;
- პროფესიული და სარისკო სპორტი (ველოსპორტისა და ზამთრის სეზონური სპორტის გარდა);
- არა-სამედიცინო ჩვენებით განპირობებული მომსახურებები;
- კბილების პროთეზირებისთვის მზადება, ორთოდონტია, ორთოპედია. (მოქმედებს 30 %-ანი, ულიმიტო ფასდაკლება პროვაიდერ კლინიკებში).
- ბიოლოგიურად აქტიური ან/და კვებითი დანამატები;
- არა-რეგისტრირებული მედიკამენტები, პირადი ჰიგიენის ან/და მოვლის საშუალებები.
- ეგზოპროთეზები და მაკორეგირებელი დანიშნულების სამედიცინო მოწყობილობები;
- ორგანოთა და ქსოვილთა ტრანსპლანტაცია;
- მხედველობის კორექცია ექსიმერ ლაზერით, სათვალეები, ლინზები და სმენის აპარატები;
- გეგმიური ვაქცინაცია და იმუნიზაცია;
- კოსმეტიკური მკურნალობა, პლასტიკური ქირურგია, წონის კორექცია;
- ხელოვნური აბორტი, კონტრაცეფცია, ხელოვნური განაყოფიერება;

- რეპროდუქტოლოგია;
- რეაბილიტაცია, მასაჟი, ფსიქოთერაპევტი და ლოგოპედი;
- სამედიცინო ცნობები (გარდა ოჯახის ექიმის ცნობისა);
- არატრადიციული მედიცინა.

2.7 პრეტენდენტის მიერ ერთიან ელექტრონულ სისტემაში ასატვირთი მონაცემები:

- ა) დანართი №1 - ფასების ცხრილი;
- ბ) დანართი №2 - ტექნიკური დავალება თანამშრომელთა დაზღვევაზე ხელშეკრულების მოქმედების პერიოდში (არსებობის შემთხვევაში შემსყიდველის მოთხოვნებთან ერთად გათვალისწინებული უნდა იყოს სადაზღვევო კომპანიის მიერ შემოთავაზებული სხვა დამატებითი სერვისები);
- გ) რეკვიზიტები, დანართი №3-ის მიხედვით.
- გ) ლიცენზია სადაზღვევო საქმიანობის განხორციელების შესახებ.
- დ) ქვეყნის მასშტაბით პროვაიდერი კლინიკების და ოჯახის ექიმების ჩამონათვალი (მისამართების მითითებით).
- ე) ინფორმაცია გამოცდილების შესახებ სამედიცინო დაზღვევის სფეროში, რომელიც არ უნდა იყოს 3 წელზე ნაკლები და 2014, 2015 და 2016 წლების განმავლობაში;

ფასების ცხრილი

პრეტენდენტის დასახელება _____

თანამშრომელთა ოდენობა (დაზუსტდება ხელშეკრულების გაფორმების დროს)	სადაზღვევო პერიოდი (თვე)	სადაზღვევო პაკეტის ღირებულება 1 თვის გამავლობაში	სულ:
130	12		

ხელმოწერა _____

ბ.ა.

	პაკეტი №1		პაკეტი №2		პაკეტი №3		პაკეტი №4	
სამედიცინო მომსახურების სახეები	%	ლიმიტი	%	ლიმიტი	%	ლიმიტი	%	ლიმიტი
24 საათიანი საინფორმაციო ცხელი ხაზი	100%	ულიმიტო	100%	ულიმიტო	100%	ულიმიტო	100%	ულიმიტო
პირადი/ოჯახის ექიმის მომსახურება	100%	ულიმიტო	100%	ულიმიტო	100%	ულიმიტო	100%	ულიმიტო
თერაპევტის/პედიატრის მომსახურება ბინაზე	100%	ულიმიტო	100%	ულიმიტო	100%	ულიმიტო	100%	ულიმიტო
ექთნის მომსახურება ბინაზე	100%	ულიმიტო	100%	ულიმიტო	100%	ულიმიტო	100%	ულიმიტო
სამკურნალო მასაჟი (მიმწოდებლის მიერ შემოთავაზებულ დაწესებულებაში)	50%	2000	50%	2500	50%	3000	50%	4000
ჰოსპიტალიზაცია								
ჰოსპიტალიზაცია უბედური შემთხვევის შედეგად (თავისუფალი არჩევანი)	100%	15000	100%	20000	100%	25000	100%	30000
გადაუდებელი ჰოსპიტალიზაცია (თავისუფალი არჩევანი)	100%	12 000	100%	15000	100%	20000	100%	25000
გეგმიური ჰოსპიტალიზაცია (თავისუფალი არჩევანი)	100%	8 000	100%	10 000	100%	15000	100%	20000
კარდიოქირურგია (თავისუფალი არჩევანი)	100%		100%		100%		100%	
ენდოპროთეზირება (თავისუფალი არჩევანი)	100%		100%		100%		100%	
ონკოლოგია (თავისუფალი არჩევანი)	100%		100%		100%		100%	
ორსულობის მონიტორინგი (თავისუფალი არჩევანი)	100%		1250		100%		1500	
მშობიარობა (თავისუფალი არჩევანი)	100%	100%		100%	100%			
ამბულატორია								
გადაუდებელი მომსახურება (თავისუფალი არჩევანი)	100%	ულიმიტო	100%	ულიმიტო	100%	ულიმიტო	100%	ულიმიტო
გადაუდებელი ვაქცინაცია (თავისუფალი არჩევანი)	100%	ულიმიტო	100%	ულიმიტო	100%	ულიმიტო	100%	ულიმიტო
გეგმიური ამბულატორია (მართვადი სქემა - ოჯახის ექიმის მიმართებით)	70 %	2000	80 %	2500	90 %	3000	100 %	4000
გეგმიური ამბულატორია (თავისუფალი არჩევანი)	60%		70 %		80 %		90 %	
ექიმის მიერ დანიშნული მედიკამენტები (თავისუფალი არჩევანი)	60%	2000	70%	2500	80%	3000	90%	4000
სასწრაფო სამედიცინო დახმარება (თავისუფალი არჩევანი)	100%	ულიმიტო	100%	ულიმიტო	100%	ულიმიტო	100%	ულიმიტო
პროფილაქტიკური სამედიცინო შემოწმება (თავისუფალი არჩევანი)	100%	ორჯერ	100%	ორჯერ	100%	ორჯერ	100%	ორჯერ
სტომატოლოგია								
გადაუდებელი სტომატოლოგიური მომსახურება (თავისუფალი არჩევანი)	100%	ულიმიტო	100%	ულიმიტო	100%	ულიმიტო	100%	ულიმიტო
გეგმიური თერაპია და ქირურგია პროვადერ კლინიკებში	60%	1250	70%	1500	80%	2000	90%	2500
იმპლანტოლოგია პროვადერ კლინიკებში	50%	2000	50%	2500	50%	3000	50%	3000
სამოგზაურო დაზღვევა (საერთაშორისო ასისტანსის მხარდაჭერით)	2 კვირა	50000 ევრო	3 კვირა	50000 ევრო	4 კვირა	50000 ევრო	6 კვირა	50000 ევრო
ყოველთვიური სადაზღვევო პრემია ერთი დაზღვეულისათვის	45 ლარი		64 ლარი		80 ლარი		99 ლარი	
ყოველთვიური სადაზღვევო პრემია ოჯახზე	135 ლარი		192 ლარი		240 ლარი		297 ლარი	
შემოთავაზებული ყოველთვიური სადაზღვევო პრემია ერთი დაზღვეულისათვის								
შემოთავაზებული ყოველთვიური სადაზღვევო პრემია ოჯახზე								

შენიშვნა: ოჯახის ქვეშ იგულისხმება მეუღლე და შვილები (18 წლამდე), ორსულობის მონიტორინგი და მშობიარობა ვრცელდება მხოლოდ თანამშრომლებსა და მათ მეუღლეებზე, სამოგზაურო დაზღვევა ვრცელდება მხოლოდ თანამშრომლებზე, პრეტენდენტი უფლებმოსილია თითოეულ პოზიციაზე წარმოადგინოს გაუმჯობესებული პირობა. (ლიმიტი მოცემულია ლარებში, გარდა სამოგზაურო დაზღვევისა)

რეკვიზიტები:

პრეტენდენტის იურიდიული ფორმა და დასახელება:

*ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

საიდენტიფიკაციო კოდი:

ხელმოწერა _____

ბ.ა.

**თუ პრეტენდენტი ფიზიკური პირია უნდა მიეთითოს პირადობის მოწმობის ან პასპორტის მიხედვით პირადი ნომერი.*

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი «კონკურენტი» აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

~~სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.~~

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვების შესახებ N

(გამარტივებული ელექტრონული ტენდერი # SPA-----)

წინამდებარე ხელშეკრულება დაიდო 2017 წლის ----- ქ. თბილისი.

ერთი მხრივ, შ.პ.ს. „მთის კურორტების განვითარების კომპანია“, შემდგომში „შემსყიდველი“, წარმოდგენილი დირექტორის ალექსანდრე ონოფრიშვილის სახით და მეორე მხრივ, -----, შემდგომში „მიმწოდებელი“, წარმოდგენილი ----- სახით ვდებთ ხელშეკრულებას მოქმედი კანონმდებლობის მიხედვით, შემდეგზე:

1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

2.1 შ.პ.ს. „მთის კურორტების განვითარების კომპანიის“ თანამშრომელთა ჯანმრთელობის დაზღვევის მომსახურების შესყიდვა დანართის (ფასების ცხრილი) და ტექნიკური დავალების შესაბამისად.

2.1.1 CPV-66512200.

3. ხელშეკრულების ღირებულება

3.1 ხელშეკრულების ღირებულება: ----- ლარი.

3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან გარდა დაზღვეულის საშემოსავლო გადასახადისა, რომელსაც აანაზღაურებს შემსყიდველი

4. მხარეთა უფლება-მოვალეობები

4.1 მიმწოდებელი ვალდებულია:

ა) უზრუნველყოს „მთის კურორტების განვითარების კომპანიის“ თანამშრომელთა ჯანმრთელობის დაზღვევის მომსახურები დანართი №1-ის (ფასების ცხრილი) და ტექნიკური დავალების გათვალისწინებით.

4.2 მიმწოდებელი უფლებამოსილია:

ა) შემსყიდველს მოსთხოვოს ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

ა) განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება.

4.4 შემსყიდველი უფლებამოსილია:

ა) მიმწოდებლისგან მოითხოვოს მომსახურების გაწევა ხელშეკრულებით გათვალისწინებულ დროსა და ადგილას;

ბ) შეამოწმოს მოსახურების გაწევის ხარისხი.

გ) მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ანგარიშსწორების ფორმა და ვადები

5.1 გაწეული მომსახურების ანაზღაურება განხორციელდება თვეში ერთხელ საანგარიშო პერიოდის ყოველი მომდევნო თვის 10 რიცხვამდე, ფაქტიურად გაწეული მომსახურების დამადასტურებელი, წინამდებარე ხელშეკრულების 6.3 პუნქტით გათვალისწინებული დოკუმენტაციის საფუძველზე.

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

6. მიღება-ჩაბარების წესი

6.1 წინამდებარე ხელშეკრულებით გათვალისწინებული მომსახურების მიღების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

6.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ადმინისტრაციის სამსახურის უფროსს, გიორგი მოსულიშვილს.

6.3 მომსახურების მიღების დადასტურების მიზნით შემსყიდველისა და მიმწოდებლის მიერ ხელმოწერილ მიღება-ჩაბარების აქტთან ერთად სავალდებულოა საგადასახადო ანგარიშფაქტურის წარმოდგენა (არსებობის შემთხვევაში).

7. მომსახურების გაწევის ადგილი და ვადა

7.1 მომსახურების გაწევა უნდა განხორციელდეს მიმწოდებლის მიერ მითითებულ მისამართებზე.

7.2 მიმწოდებელმა უნდა უზრუნველყოს აღნიშნული მომსახურება 2017 წლის -- იანვრიდან 2017 წლის 31 დეკემბრის ჩათვლით, შემსყიდველის მოთხოვნის შესაბამისად.

7.3 მომსახურება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ადმინისტრაციის სამსახურის უფროსი, გიორგი მოსულიშვილი.

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

9.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში

გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.

9.3 მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 5%-ის ოდენობით.

9.4 არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 9.5 პუნქტით განსაზღვრული შემთხვევისა.

9.5 მიმწოდებლის მიერ დაგვიანებით შესრულებას წარმოადგენს საქონლის მიწოდების წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად მიუწოდებელი საქონლის ღირებულების 0,1%-ის ოდენობით.

10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 31 იანვრის ჩათვლით.

14. მხარეთა ხელმოწერები

შემსყიდველის მხრიდან

მიმწოდებლის მხრიდან